

nis providere omnia beneficia Ecclesiastica, cum cura, & sine cura Sæcularia, & quorumvis Ordinum Regularia, qualitercumque qualificata, & ubicumque existentia in singulis Januarii, Februarii, Aprilis, Maii, Julii, Augusti, Octobris, & Novembris mensibus, usque ad suæ voluntatis beneplacitum extra Romanam Curiam, alias quam per resignationem quocumque modo vacatura, ad collationem, provisionem, præsentationem, electionem, & quamvis aliam dispositionem quorumcumque collatorum, & collatricum Sæcularium, & quorumvis ordinum regularium (non tamen S. R. E. Cardinalium, aut aliorum sub concordatis, inter Sedem Apostolicam, & quoscumque alios initis, & pereos, qui illa acceptare, & observare debuerant, acceptatis, & observatis, quæ lædere non intendit comprehensorum) quomodolibet pertinentia dispositioni suæ generaliter reservavit. Volens in supplicationibus, seu concessionibus gratiarum, quæ de dictis Beneficiis tunc vacantibus, etiam motu proprio fient de mense in quo vacaverint dispositivè mentionem fieri. Alioquin gratias nullas esse. Ac consuetudines, etiam immemorabiles optandi majores, & pinguiore Præbendas, necnon privilegia, etiam in limine erectionis concessa, & indulta Apostolica circa ea, ac etiam disponendi de hujusmodi beneficiis, aut quod illa sub hujusmodi reservationibus nunquam comprehendatur, etiam cum quibusvis derogatoriis derogatoriis, & fortioribus efficacioribus, & insolitis clausulis, necnon irritantibus, & aliis Decretis, quorum tenores pro expensis haberi, & latissimè extendi voluit quibusvis personis, & Collegiis cujuscumque dignitatis, status, gradus, ordinis, & conditionis existentibus, quomodolibet concessa adversus reservationem hujusmodi minimè suffragari. Insuper sanctitas sua ad gratificandum Patriarchis, Archiepiscopis, & Episcopis intenta, ipsis, quamdiu apud Ecclesias, aut Dioceses suas verè, ac personaliter resederint dumtaxat, de omnibus, & quibuscumque beneficiis Ecclesiasticis, cum cura, & sine cura Sæcularibus, & Regularibus (ad liberam ipsorum dumtaxat, non autem aliorum cum eis dispositionem, seu præsentationem, vel electionem, nec etiam cum consilio, vel consensu, interventu Capitulorum, vel aliorum, aut alias pertinentibus) quæ antea in mensibus Februarii, Aprilis, Junii, Augusti, Octobris, & Decembris extra Curiam ipsam

vacare contigerit (dummodo alias dispositione Apostolicæ reservata, vel affecta non fuerit) liberè disponendi facultatem concessit. Ac etiam voluit, ut si ipsi in collatione, aut alia dispositione beneficiorum in aliis sex mensibus, videlicet, Januarii, Martii, Maii, Julii, Septembris, & Novembris vacaturorum (quæ etiam dispositioni suæ, ut præfertur, reservavit) seu etiam aliorum dispositioni suæ, & dictæ Sedis alias quomodolibet reservatorum, vel affectorum se intromisserint, aut quominus provisionis, & gratiam sanctitatis suæ de illis debitum effectum consequantur, impedimentum quoquomodo præstiterint, usu, & beneficio prædictæ facultatis eo ipso privati existant, ac collationes, & aliæ dispositiones de beneficiis illius prætextu deinceps faciendæ, nullius sint roboris, vel momenti. Illi verò, qui gratiam alternativè prædictæ acceptare voluerint, acceptationem hujusmodi per patentes litteras manu propria subscriptas, suoque sigillo munitas, & in sua quisque Civitate, sive Diocesi datas declarare, & litteras ipsas huc ad Datarium Sanctitatis suæ transmittere teneantur; quibus ab eo receptis, & recognitis, tunc demum, & non antea uti incipiant gratia prædicta. Declarans, exceptionem positam in Regula favore S. R. E. Cardinalium, & indultum conferendi beneficia reservata concessum Cardinali Episcopo, non suffragari Capitulo ratione communionis, & consortii juxta declarationem felic. record. Urbani Papæ VIII. Prædecessoris sui editam die 10. Septembris, anno millesimo sexcentissimo vigesimo sexto, quam sanctitas sua in omnibus, & per omnia approbat. Decernens, sic in præmissis omnibus per quoscumque, &c. Judicari debere ac irritum, &c.

De Litteris in forma, rationi congrui expediendis.

10 Item voluit idem D. N. Papa, quod concessa per fel. record. Gregorium XV. & Urbanum VIII. Prædecessores suos, & de eorum mandato expediantur in forma rationi congruit, à die Assumptionis suæ ad summi Apostolatus apicem, & idem quoad concessa per piæ mem. Paul. V. Etiam Prædecessorem suum, ad sex menses dumtaxat ab ipso die Assumptionis incipiendos observari voluit.

De-

Declaratio reservationis Ecclesiarum, & beneficiorum per Prædecessores reservatorum.

11 Item declaravit omnium, & singularum Ecclesiarum Cathedralium, & Monasteriorum provisiones, quas prædicti Prædecessores sui, ordinationi, & dispositioni eorum, necnon omnia, & singula beneficia Ecclesiastica, quæ dicti Prædecessores, etiam prædictæ dispositioni, cum interpositione Decreta reservaverant (quæ quidem Ecclesiæ, Monasteria, necnon sic reservata beneficia tempore obitus eorumdem Prædecessorum vacabant, aut Ecclesiæ ipsæ, vel Monasteria hujusmodi, si commendata, vel eis administratores deputati non fuissent, etiam tunc vacassent) remansisse, & remanere per hujusmodi reservationem, & Decretum affecta, nullumque de illis præter Romanum Pontificem ea vice se intromittere, vel disponere potuisse, sive posse quoquomodo. Decernens irritum, & inane, si secus super illis attentatum forsitan erat tunc, vel in posterum contingerit attentari.

Revalidatio litterarum Prædecessoris, gratiæ, & justitiæ infra annum concessarum.

12 Item prædictus D. N. omnes, & singulas ab ipsis Gregorio XV. & Urbano VIII. Rom. Pont. Prædecessoribus suis infra annum ante diem obitus eorum concessas gratiæ, vel justitiæ litteras temporibus debitis, eorum executoribus, seu iudicibus non præsentatas, omninò revalidavit, & in statum pristinum, in quo videlicet antea fuerant, vel pro quibus erant obtentæ, quoad hoc plenariè restituit, ac decrevit per executores, seu Judices prædictos, vel ab eis subdelegandos ad expeditionem negotiorum in eis contentorum procedi posse, & debere juxta illarum formam.

Revocatio unionum.

13 Item rationabilibus suadentibus causis ipse D. N. omnes uniones, annexiones, applicationes, & dismembrationes, etiam perpetuas, de quibusvis Cathedralibus, necnon aliis Ecclesiis, Monasteriis, Dignitatibus, Personatibus, officiis, & beneficiis Ecclesiasticis, eorumvè domibus, prædiis, & locis percussam, vel decessum, aut aliam quamvis dimissionem, vel amissionem, qualiacumque fuerint in Tom. I.

vicem, vel aliis Ecclesiis, Monasteriis, & Mensis, etiam Capitularibus, Dignitatibus, personatibus, officiis, beneficiis, ac piis, vel aliis locis Universitatibus, etiam studiorum Generalium, & Collegiis, etiam in favorem S. R. E. Cardinalium, seu Ecclesiis, Monasteriis, & Beneficiis per eos obtentis, quomodolibet, Apostolica, vel alia quavis (non tamen Concilii Tridentini autoritate, necnon fundatione, seu dotatione, augmento, vel conservatione Collegiorum, vel aliorum priorum, & Religiosorum locorum ad fidei Catholicæ defensionem, & propagationem, bonarumque artium cultum institutorum) factas, quæ suum non sunt sortitæ effectum: Ac quocumque concessiones, & mandata super unionibus, annexionibus, incorporationibus, & aliis præmissis taliter faciendis, revocavit, cassavit, & irritavit, nulliusque decrevit existere firmitatis. Nec alicui quascumque clausulas, vel adjectiones, aut decreta, quæ sanctitas sua pro expressis haberi voluit in quibusvis Apostolicis, etiam quæ motu proprio, aut ex certa scientia, & consistorialiter processerunt, & emanarunt litteris, etiamsi in eis decretum esset, illas ex tunc effectum sortitas esse, aut jus quæsitum fore quomodolibet contentæ adversus revocationem, & irritationem hujusmodi voluit aliquatenus suffragari.

Revocatio facultatum quibusvis concessarum.

14 Item revocavit quascumque facultates concessas, quibusvis Patriarchis, Archiepiscopis, & aliis Prælatibus, & personis, necnon Apostolicæ Sedis Nunciis, ac fructuum, & proventuum Cameræ Apostolicæ debitorum Collectoribus, de dispensando cum quibusvis personis super matrimonio contracto, vel contrahendo in gradu prohibito, ac natalium, & ætatis defectibus, & de incompatibilibus beneficiis Ecclesiasticis in simul retinendis, necnon de Notariis publicis creandis, ac de disponendo, quomodolibet de quibusvis beneficiis Ecclesiasticis, & alias à præmissis officia ipsorum Nunciorum, & Colectorum directè non concurrentes, etiamsi in litteris desuper confectæ sint clausulæ restitutoriæ, & derogatoriarum derogatoriæ, aliæ efficaciores, quas pro expressis haberi voluit, quoad omnia in quibus facultates ipsæ non sunt sortitæ effectum, etiamsi Nunciis eisdem, dictæ Sedis Legatis de Late competens sit concessa potestas. Decernens irritum, &c.

Revocatio facultatum conferendi reservata.

15 Item revocavit quascumque facultates, & litteras desuper confectas, per quas quicumque sui Prædecessores Romani Pontifices, quibusvis personis ordinariam collationem, seu aliam dispositionem beneficiorum Ecclesiasticorum de jure, vel consuetudine habentibus, & quavis etiam Patriarchali, Archiepiscopali, Episcopali, vel alia Dignitate, vel alio, non tamen Cardinalatus honore fulgentibus, quavis consideratione, intuitu, etiam motu proprio, & ex certa scientia, ac de Apostolica potestatis plenitudine cum quibusvis clausulis, etiam derogatoriarum derogatoriis, ac irritantibus, & aliis decretis, quorum tenores haberi voluit pro expressis concesserant, aut quandiu viverent, vel suis Ecclesiis, seu Monasteriis præssent, aut ad aliud tempus de beneficiis Ecclesiasticis generaliter reservatis, seu affectis ad eorum collationem, provisionem, præsentationem, electionem, & quamvis aliam dispositionem, communiter, vel divisim spectantibus disponere libere, & licite valerent, aut etiam ad id per eosdem Prædecessores Vicarii perpetui, vel ad tempus constituti forent. Decernens irritum, & inane, &c.

De dictionibus numeralibus.

16 Item, ut in Apostolicis litteris committendi crimen falsi per amplius tollatur occasio, voluit, & ordinavit, quod dictiones numerales, quæ in dictis litteris ante Nonas, Idus, & Kalend. immediatè poni consueverunt, per litteras, & syllabas extensæ describantur, & illæ ex prædictis litteris, in quibus hujusmodi dictiones aliter scriptæ fuerint, ad Bullariam nullatenus mittantur.

De concurrentibus in data.

17 Item voluit, quod de concurrentibus in data ejusdem diei supervacantibus, seu certo modo vacaturis beneficiis illi, quibus gratiæ motu proprio conceduntur, cæteris simile modo gratias non habentibus: alias graduati non graduatis, aut inter graduatos, magis graduati, ac inter æqualiter graduatos prius graduati, necnon colorato titulo possessores non possessoribus, ac inter personas, aliàs in Curia præsentibus absentibus ab ea, ac inter præsentibus non beneficiati beneficiatis, & similiter inter absentes, cæteris paribus, oriundus non oriundo, &

Dioecesanus non Dioecetano: In reliquis verò singuli, qui prius Apostolicas desuper litteras eorum executoribus præsentaverint aliis in ipsorum, de quibus agit contingerit, Beneficiorum assecutione præferantur.

De non tollendo jus quæsitum.

18 Item, ne per varias, quæ pro commissionibus, seu mandatis, & declarationibus habendis in causis plerumque fiunt suggestiones, justitia postponatur. Idem D. N. decrevit, & declaravit suæ intentionis fore, quod deinceps per quancumque signaturam, seu concessionem, aut gratiam, vel litteras Apostolicas pro commissionibus, seu mandatis, aut declarationibus hujusmodi, etiamsi motu proprio ex certa scientia, ac etiam ante motam litem à sanctitate sua emanaverint, vel de ejus mandato faciendas nulli jus sibi quæsitum quomodolibet tollatur.

Regula de viginti.

19 Item voluit, quod si quis in infirmitate constitutus resignaverit aliquod beneficium, sive simpliciter, sive ex causa permutationis, vel alias dimiserit, aut illius commendæ cesserit, seu ipsius beneficii unionis dissolutioni consenserit, etiam vigore supplicationis, dum esset sanus signata, & postea infra viginti dies à die per ipsum resignantem præstanti consensus computandos, de ipsa infirmitate decesserit, & ipsum beneficium quavis auctoritate conferatur per resignationem sic factam, collatio hujusmodi sit nulla ipsumque Beneficium nihilominus per obitum censeatur vacare.

De Idiomate.

20 Item voluit, quod si contingat, ipsum alicui personæ de Parochiali Ecclesia, vel quovis alio beneficio exercitium curæ animarum Parochianorum quomodolibet habente providere, nisi ipsa persona intelligat, & intelligibiliter loqui sciat idioma, ubi Ecclesia, vel Beneficium hujusmodi consistit provisio, seu mandatum, & gratia desuper, quoad Parochialem Ecclesiam, vel beneficium hujusmodi nullius sint roboris, vel momenti.

De non impetrando beneficium per obitum viventium.

21 Item, si quis supplicaverit sibi de

beneficio quocumque, tanquam per obitum alicujus, licet tunc viventis, vacante provideri, & postea, per obitum ejus vacet provisio, & quavis dispositio dicto supplicanti per obitum hujusmodi, de novo faciendæ nullius sint roboris, vel momenti.

De unionibus, & unionum confirmatione.

22 Item voluit, quod petentes beneficia Ecclesiastica aliis uniri teneantur, exprimere verum annum valorem secundum communem æstimationem, tam beneficii unendi, quam illius cui uniri petitur, alioquin unio non valeat, & semper in unionibus commissio fiat ad partes, vocatis quorum interest, & idem voluit observari in quibusvis supplicationibus, perpetuis concessionibus, dismembrationibus, & applicationibus etiam de quibuscumque fructibus, & bonis Ecclesiasticis, ac etiam in confirmationibus unionum singularumque dispositionum hujusmodi.

De Mendicantibus transferendis.

23 Item de Mendicantibus transferendis, qui ad alios ordines transierunt pro tempore, voluit constitutionem fel. rec. Martini Papæ V. Prædecessoris sui desuper factam, & in libro Cancellariæ Apostolicæ descriptam, qui incipit: *Viam ambrosiosæ cupiditatis*, &c. firmiter observari.

De male promotis.

24 Item, de Clericis extra tempora à jure statuta, sive ante ætatem legitimam, aut absque dimissoriis litteris ad sacros ordines se promoveri facientibus pro tempore, etiam voluit constitutionem piæ mem. Pii. II. similiter Prædecessoris sui desuper editam, & in d. Cancellariæ Apostolicæ libro descriptam, quæ incipit: *Cum ex sacerdotum Ordinum*, &c. pari modo observari.

De Moneta.

25 Item declaravit idem D. N. quod libra Turonensium parvorum, & florenus auri de Camera pro æquali valore in concurrentibus litteras, & Cameram Apostolicam computari, & æstimari debeant.

De Beneficiis vacaturis per promotionem ad Ecclesias, & Monasteria.

26 Item prædictus D. N. Papa voluit,

decrevit, & ordinavit, quod quæcumque concessionis, gratiæ, & mandata, etiam motu proprio, & cum derogatione hujus constitutionis, quæ ab eo pro quibusvis beneficiis vacaturis per promotionem quoruncumque ad Ecclesiarum, & Monasteriorum Regimina, si hujusmodi concessionis, & mandata diem promotionis promovendorum ipsorum præcesserint, necnon, quæcumque collationes provisiones, & dispositiones pro tempore faciendæ de præmissis, & quibusvis aliis beneficiis Ecclesiasticis, Sæcularibus, & Regularibus, quæ per promovendos, vel assumendos ad quascumque Prælaturas, inter illarum vacationis, & hujusmodi promotionis, vel assumptionis tempora simpliciter, vel ex causa permutationis ubicumque resignari, vel alias dimitti contingerit, cum inde secutus pro tempore sint cassæ, & irritæ nulliusque roboris, vel momenti.

De non judicando juxta formam supplicationum litterarum expeditarum.

27 Item, cum ante confectioem litterarum gratia Apostolica sit informis voluit, statuit, & ordinavit idem D. N. quod Judices in Romana Curia, & extra eam pro tempore existentes, etiamsi sint S. R. E. Cardinales causarum Palatii Auditores, vel quicumque alii, non juxta supplicationum signatarum super quibusvis impetrationibus (nisi in dicta Curia dumtaxat sint commissiones justitiam concernentes, per *Placet*, vel per S. R. E. Vice-Cancellarium, juxta facultatem super hoc sibi concessam signatæ) sed juxta litterarum super eisdem impetrationibus, & concessionibus confectarum tenores, & formas judicare debeant. Decernens irritum, &c. Et si litteræ ipsæ per præoccupationem, vel alias minus bene expeditæ reperiantur, ad illorum, quorum interest instantiam ad Apostolicam Cancellariam remitti poterunt per ejus Officiales, quibus hujusmodi tenores, & formas restringere convenit ad formas debitas reducendæ.

De Regulis Cancellariæ producendis.

28 Item attendens D. N. Papa, quod super habendis de Cancellaria Apostolica Regulis, & Constitutionibus inibi descriptis faciliter per eos, qui in Romana Curia indigerint ad ipsam Cancellariam recursus dirigi potest, nec consultum foret, quod super earundem Regularum, &

& Constitutionum (quæ juxta varietatem concurrentium causarum, & negotiorum aliquoties immutari convenit) probando tenore, vel effectu; testium plerumque tenacem desuper memoriam non habentium depositionibus stari deberet, voluit, statuit, & ordinavit, quod deinceps quilibet ex Auditoribus Causarum Palatii Apostolici, & aliis (etiã S. R. E. sint Cardinales) in ipsa Curia pro tempore deputatis Autoritate Apostolica Judicibus, etiã in causis actu pendentibus super hujusmodi tenore, vel effectu probando dumtaxat est, fidemque adhibeat cedulæ, seu scripturæ desuper à duobus Majoris Præsidentis, quod danda sit à tergo signatæ, & etiã, à duobus aliis litterarum Apostolicarum Abbreviatoribus in ipsa Cancellaria auscultatæ, & Vice Cancellarii, seu dictam Cancellariam Regentis manu subscriptæ, ut moris est. Quidquid autem secus fieri contingerit nullius sit roboris, vel momenti.

De subrogandis colligantibus.

29 Item D. N. cupiens litium succedere anfractus, & ne novis colligantibus adversari dentur, providere, voluit, statuit, & ordinavit, quod quoties deinceps aliquem super quovis beneficio Ecclesiastico colligantem in jure, vel ad jus, si quod forsam ejus adversario in dicto beneficio competierit, subrogari contingerit, (dummodo prædictus colligans in d. beneficio intrusus non fuerit, nec super eo contra dictum adversarium postquam illud per triennium pacificè possederit, lis tunc mota fuerit) aliorum quorumlibet de præmisso jure, sive tunc vacet, vel cum vacaverit, impetrationes, vel concessiones, etiã motu proprio infra mensem ante concessionem hujusmodi factæ nullius sint roboris, vel momenti. Et nihilominus cupiens eorum fraudibus obviare, qui viventium beneficia, illorum præsertim, quibus, aut propter senium, aut propter infirmitatem immineret vitæ periculum, impetrant, ut illis decentibus tamquam colligantes in eorum juribus facilius subrogentur, voluit, ut deinceps nullus in jure, vel ad jus in beneficio defuncti, quod illo vivente in casibus præmissis, vel similibus impetraverit, aliquo modo subrogetur, ac subrogatio, vel gratia, si Neutri, si Nulli, seu novæ provisionis, aut perinde valere taliter impetranti nullatenus suffragetur. Quod etiã strictissimè observari mandavit in impo-

trationibus beneficiorum per privationem, & amotionem, & quibusvis criminibus, & excessibus forsam perpetratis, etiã usque ad definitivam sententiam, quæ tamen in rem non transierit judicatam, processum foret.

De Verisimili notitia.

30 Item voluit, & ordinavit, quod omnes gratiæ, quas de quibusvis beneficiis Ecclesiasticis cum cura, vel sine cura, Sæcularibus, vel Regularibus, per obitum quarumcumque personarum vacantibus in antea fecerit, nullius roboris, vel momenti sint, nisi post obitum, & ante datam gratiarum hujusmodi tantum tempore fluxerit, quod interim vacationes ipsæ de locis, in quibus personæ prædictæ decesserint ad notitiam ejusdem D. N. verisimiliter potuerint pervenisse.

Non valeant commissiones causarum, nisi litteris expeditis.

31 Item, quod omnes, & singulæ commissiones causarum, quas in antea fieri contingerit, obtentæ, vel occasione concessionum dumtaxat Apostolicarum de beneficiis Ecclesiasticis gratiarum, super quibus litteræ Apostolicæ confectæ non fuerint, ac processus desuper habendi nullius sint roboris, vel momenti.

De impetrantibus Beneficia per obitum familiarium Cardinalium.

32 Item voluit, quod impetrans Beneficium vacans per obitum familiaris aliqujus Cardinalis teneatur exprimere nomen, & titulum ipsius, Cardinalis, & si ille in Curia fuerit, ejus ad id accedat assensus, alias desuper gratia sit nulla. Et idem servari voluit, si Cardinales, quomodolibet, ab ipsa Curia absentes, & ubilibet, etiã in locis infra duas dietas vicinis degentes, familiarumque, & lares in eadem Curia retinentes, ab ipsa Curia recesserint, ad eandem illico reversuri, & infra decem, vel ad summum quindecim dies verè, & personaliter reversi fuerint, ita quod Cardinalibus, alias, quam ut præfertur ex quacumque sua quantumlibet necessaria, ac qualibet alia hic necessariè exprimenda, absentibus, facultas præstandi consensum hujusmodi non competat, sed beneficia hujusmodi ad liberam Sanctitatis suæ, & Sedis Apostolicæ provisionem, & dispositionem pertineant.

De

Declarans, Regulas, & Constitutiones suorum Prædecessorum, etiã à die earum editionis, & publicationis super assensu hujusmodi præstando, sic intellectas, & intelligendas fuisse, irritumque, &c. attentari decernens. Quodque si prædicti familiares eorumdem Cardinalium familiares esse desiderint, seu ad aliorum Cardinalium familiaritatem similem transierint, quod beneficia, quæ familiaritate priori durante obtinuerint, & in quibus, vel ad quæ priori ipsa familiaritate durante jus eis competierit, Cardinales, quorum prius familiares fuerint, suum habeant adhibere consensum. Declarans, præsentem Constitutionem locum non habere in illis beneficiis, quæ familiares ipsi tempore obitus eorum in dicta Curia, vel extra eam obtinerent, aut antea obtinuisent, & ratione officiorum per eos obtentorum dictæ dispositioni generaliter reservata, vel affecta fuisse apparent. Necnon illos quoad effectum dictæ Constitutionis familiares eorumdem Cardinalium censi, qui ipsorum Cardinalium familiares continui commensales ad minus per quatuor menses, etiã ante Cardinalatum fuisse probarentur. Decernens irritum, &c.

Super eadem Familiaritate.

33 Item idem D. N. ad evitandas lites, & contestationes, quæ ex præcedenti sua Constitutione exoriri possent, vestigiis Prædecessorum suorum inherendo, voluit, statuit, & ordinavit, quod si beneficia, quæ per obitum familiarium, continuationum Commensalium eorumdem Cardinalium in futurum vacabunt cessantibus Apostolicis reservationibus ad alterius Cardinalis Collationem, vel aliam dispositionem pertinere deberent, in dicta præcedenti Constitutione non comprehendantur, quoad hoc, ut in provisionibus talium beneficiorum super expeditione litterarum illius Cardinalis, cujus familiaris defunctus ille extitit consensus requiri debeat, sed beneficia hujusmodi ad collationem, seu quamvis dispositionem Cardinalis, Ordinarii collatoris, ut præfertur, liberè spectare censeantur. Et si apud Sedem Apostolicam beneficia hujusmodi per obitum dictorum familiarium vacaverit, tunc in provisione talium beneficiorum super expeditione litterarum, illius Cardinalis exigatur consensus, si in Romana Curia præsens fuerit, ad quem eorum collatio, & dispositio, ut præfer-

tur, pertinere deberet, ita ut Cardinalis, Ordinarius collator in concursu cum Cardinali Patrono semper præferri debeat.

Signatura per Fiat, præferatur alteri per concessum.

34 Item voluit D. N. quod concurrentibus eadem die super quocumque beneficio, per *Fiat*, & *concessum*, signaturis ex eis per *Fiat*, etiã, ut petitur habens alteri per *concessum*; etiã motu proprio habenti præferatur, etiã in illa per *concessum* prægratioribus, & quantumlibet privilegiativæ essent clausulæ.

De Annali possessore.

35 Item S. D. N. ut improbi lites exquirentium motus reprimentur, voluit, statuit, & ordinavit, quod quicumque Beneficium Ecclesiasticum, tunc per annum immediatè præcedentem pacificè possessum, & quod certo modo vacare prætenditur, deinceps impetraverit nomen, gradum, & movilitatem possessoris ejusdem, & quot annis ipse illud possederit, ac specificam, & determinatam, ex qua clarè poterit constare, quod nullum ipsi possessori in dicto Beneficio jus competat causam hujusmodi impetrationis exprimere, & infra sex menses ipsum possessorem ad iudicium evocari facere, causamque ex tunc desuper infra annum usque ad sententiam definitivam inclusivè prosequi debeat, & teneatur. Alioquin impetratio prædicta, & quæcumque inde secuta nullius existant firmitatis. Et idem impetrans de damnis, & interesse possessorem præfatum, propterea contingentibus ei satisfacere, & si possessorem ipsum injustè, & indebitè molestare repertus extiterit, quinquaginta florenos auri persolvere Camere Apostolicæ sit adstrictus. Nec alius, quam præmissæ vacationis modus, etiã per litteras, si neutris, aut subrogationis, aut alias sibi quoad hoc, ut beneficium hujusmodi ea vice consequi, aut obtinere valeat quomodolibet suffragetur, illudque nullatenus in antea litigiosum propterea censeatur. Quod etiã extendi voluit ad impetrantes Beneficia Ecclesiastica cujuscumque qualitatis per privationem, & amotionem, vel alias propter commissa, excessus, & crimina, vacantia, vel vacatura. Et similiter ad impetrantes beneficia tamquam vacantia per devolutionem.

De

De Triennali.

36 Item statuit, & ordinavit idem D. N. quod si quis quæcumque Beneficia Ecclesiastica, qualicumque sint absque simoniaci ingressu ex quovis titulo, Apostolica, vel ordinaria collatione, aut electione, & electionis hujusmodi confirmatione, seu presentatione, & institutione illorum ad quos beneficiorum hujusmodi collatio, provisio, electio, & presentatio, seu quævis alia dispositio pertinet, per triennium pacificè possiderit (dummodo in beneficiis, hujusmodi, si dispositioni Apostolicæ ex reservatione generali in corpore juris clausi, reservata fuerint, se non intruserint) super eisdem beneficiis taliter possessis molestari nequeat, necnon impetrationes quolibet de beneficiis ipsis, sic possessis factas, irritas, & inanes censi debere decrevit, antiquas lites super illis motas penitus extinguendo.

De non appellando ante sententiam diffinitivam.

37 Item idem D. N. ut finis litibus celerius imponatur, & litigantium parcat sumptibus, & pensis, suorum Prædecessorum Constitutionibus, & statutis inherendo, statuit, & ordinavit, quod in causis pendentibus, & quas in posterum contigerit agitari, nulli ante definitivam sententiam liceat appellare, nec appellatio, si fuerit emissa, debeat admitti, nisi ab interlocutoria, quæ vim habeat diffinitivæ, vel à gravamine minimè concernente negotium principale, quod non possit per appellationem à diffinitiva sententia reparari. Nullæque causæ appellationum committantur, nisi in commissione exprimat, quod interlocutoria vim diffinitivæ habeat, vel gravamen sit tale, quod in appellatione à diffinitiva non valeat reparari. Alioquin appellationes, & commissiones in posterum, & quidquid inde sequutum fuerit, nullius sint roboris, vel momenti, commissionibus appellationum jam Judicibus presentatis, & exhibitis in suo robore permansuris, in quibus latis super eisdem sententiis secundo, vel ulterius ab eis non liceat appellare. Appellantes verò, & appellationes etiam ab interlocutoris, & gravaminibus hujusmodi, suo, vel alterius nomine prosequentes, si succubuerint ultra expensas, & damna, ad quæ reficienda de jure condemnatus compellitur, viginti florenorum auri poena mulctetur.

Non stetur commissioni post conclusionem.

38 Item statuit, & ordinavit, quod in commissionibus de justitia, seu mandatis etiam consistorialibus per eum; seu de ejus mandato, vel autoritate in causis, in quibus conclusum existat in posterum concedendis, etiam in eis de conclusione hujusmodi implicite, vel explicitè mentio facta fuerit, nihil censeatur esse concessum, nisi per concessionem commissionis hujusmodi derogetur expressè.

De Litteris Religiosorum expediendis.

39 Item voluit, & ordinavit, quod si aliqui Religiosi petunt aliquid beneficium ad nutum amobile cum clausula, quod exindè pro solo nutu Abbatis, vel Superioris amoveri non possint, litteræ quoad ipsam clausulam nullatenus expediantur, nisi idem D. N. ponat in signatura, quod non possit amoveri, vel ad partem clausulam ipsam concedat.

De Clausula ponenda in litteris permutatorum Beneficiorum.

40 Item, si committatur alieni beneficio resignationis recepto, ponatur clausula: *Attento quoque provideas*, &c. Et si ex causa permutacionis resignationes fiant, ponatur clausula: *Quod neuter permutantium jus acquirat*, nisi quilibet ipsorum jus habuerit in beneficio per ipsum resignato.

De supplendis defectibus.

41 Voluit, quod si petatur, suppleri defectus in genere nullatenus litteræ de super concedantur, nisi in petitione desuper hujusmodi defectu exprimat, vel per fiat, ut petitur, supplicatio signata fuerit.

De Derogatione juris patronatus.

42 Item voluit, quod super quovis Beneficio Ecclesiastico de jure patronatus Laicorum non expediatur litteræ, nisi ponatur expressè, quod tale beneficium tanto tempore vacavit, quod ejus collatio ad Sedem Apostolicam legitime est devoluta, vel quia tempus Patronis Laicis ad præstandum à jure præfixum lapsum existat, aut ad id Patronorum ipsorum accedat assensus. Esi per ipsum juri patronatus hujusmodi derogari contigerit juris patro-

na-

natus hujusmodi mentio dispositivè, ac specificè, & determinatè non autem conditionalitè fiat, si illud ad aliquem Regem, Ducem, Marchionem, vel alium Principem pertineat, & de hoc in litteris provisionis, vel mandato de providendo de dicto beneficio similis mentio facta non fuerit, non censeatur quomodolibet derogatum.

De Commendis.

43 Item voluit, quod nulli Sæculari de Regulari, nec Religioso de Sæculari beneficiis commenda detur, nisi in signatura per clausulam ad partem super petitione commendæ hujusmodi de commenda ipsa mentio fiat.

De Reformationibus.

44 Item voluit, statuit, & ordinavit, quod super quibuscumque Reformationibus signatis, super impetrationibus quoruncumque beneficiorum vacantium, vel certo modo vacaturorum, in quibus petitur, quod litteræ super prima data expediri possint, si ex hujusmodi expeditione sub tali data cuiquam videatur posse fieri præjudicium, litteræ hujusmodi sub ipsa prima data nullatenus expediantur, nisi reformationes hujusmodi per fiat, sub prima data sigatæ fuerint.

De Consensu in Resignationibus, & Pensionibus.

45 Item voluit, & ordinavit, quod super resignatione cujuscumque Beneficii Ecclesiastici, seu cessione juris in eo, quam in manibus suis, vel in Cancellaria Apostolica fieri contigerit, Apostolicæ litteræ nullatenus expediantur, nisi resignans, vel cedens, si præsens in Romana Curia fuerit, personalitè alicuique per Procuratorem suum, ad hoc ab eo specialitè constitutum, expeditioni hujusmodi in eadem Cancellaria expressè consenserit, & juraverit, ut moris est. Et si ipsum resignantem, seu cedentem pluries, super uno, & eodem beneficio in favorem diversarum personarum successivè consentire contigerit, voluit sanctitas sua, quod primus consensus tenere debeat, & alii posteriores consensus, ac litteræ, eorum preteritu, etiam sub priori data expeditæ pro tempore nullius sint roboris, vel momenti: nec litteræ reservationis, vel assignationis, etiam motu proprio cujusvis pen-

Tom. I.

sionis annuæ, super alicujus beneficii fructibus expediri possint, nisi de consensu illius, qui pensionem persolvere tunc debeat.

De ingressu Religionis.

46 Item non dentur litteræ super Beneficiis vacaturis per ingressum Religionis, nisi illi præcesserit datam desuper petitionis.

Non valeat impetratio facta per modum in Cancellaria exprimentum.

47 Item voluit, quod si petatur aliquod beneficium vacans per modum in Cancellaria Apostolica exprimentum, talis impetratio non valeat, nec litteræ desuper expediantur.

De executione faciendâ.

48 Item voluit, statuit, & ordinavit, quod quocumque per signaturam suam, vel de ejus mandato factam, super executione aliquibus, cum adjunctione proprii nominis, vel Dignitatis cujusvis, Judex datur, litteræ desuper expediantur, cum expressione, quod idem Judex executionem faciat per se ipsum.

De Dispensationibus in gradibus consanguinitatis.

49 Voluit, quod in litteris dispensationum super aliquo gradu consanguinitatis, vel affinitatis, aut aliâ prohibito, ponatur clausula: *Si mulier rapta non fuerit*. Et si scienter ponatur clausula addita in quaternio.

Super defectu natalium.

50 Voluit quod in dispensationibus super defectu natalium, quod possint succedere in bonis temporalibus, ponatur clausula: *Quod non præjudicetur illis*, ad quos successio bonorum ab intestato pertinere debeat.

Super dispensationibus.

51 Item, quod per quancumque signaturam in quavis gratia nullatenus dispensatio veniat, nisi dicta gratia totalitè effectum hujusmodi dispensationis concernat, vel aliâ nihil conferat, aut operetur.

Kkk

Nul.

Nulli suffragetur dispensatio nisi litteris confectis.

52 Item cum concessionem super gratiis dispensationum, quarumcumque quibusvis per ipsum D. N. concessarum, vel concedendarum per Regulas Cancellariæ Apostolicæ sint providæ limitatæ, licet aliquando in petitionibus super hujusmodi concessionibus oblati multa sint petita, ne quis talium concessionum prætextu id dispensativè tenere, aut facere præsumat, ad quod concessiones hujusmodi se non extendant voluit idem D. N. quod nulla talis dispensatio cuiquam in iudicio, vel extra suffragetur, antequam super ea litteræ Apostolicæ sint confectæ.

De Clausulis ponendis in litteris Indulgentiarum.

53 Item voluit, quod in litteris Indulgentiarum ponatur, quod si Ecclesiæ, vel Capellæ, vel alias aliqua Indulgentia fuerit per ipsum concessa, de qua inibi specialis mentio facta non sit, hujusmodi litteræ sint nullæ.

De Indulgentiis concessis ad instar.

54 Item voluit idem D. N. quod litteræ super Indulgentiis non expediantur ad instar, nisi specificentur.

De exprimendo valore Beneficiorum in impetrationibus.

55 Item voluit, quod in gratiis, quas quibusvis personis de beneficiis vacantibus, seu certo modo vacaturis fieri contigerit, illorum, & aliorum quorumcumque beneficiorum, quæ dictæ personæ tunc obtinuerit, seu de quibus eis fuerit provisum, vel concessum, aut mandatum provideri, verus annuus valor per marchas argenti, aut sterlingorum, vel libras Turonens. parvorum, seu florenos, aut ducatus, vel uncias auri, seu aliam monetam, secundum communem æstimationem exprimat, nisi personæ prædictæ, beneficia, quæ tunc obtinuerint, aut in quibus, vel ad quæ eis competit juxta ipsarum obligationes, aut alias dimittere teneantur. Aliquin gratiæ prædictæ sint nullæ. Et idem servetur in gratiis, quas à sanctitate sua motu proprio emanare contigerit, quoad beneficia tamen, de quibus per sanctitatem suam pro tempore providetur, seu

provideri mandatur, aut alias disponitur, ac litteris, per quas pro tempore ad Ecclesiarum Patriarchalium, & Cathedralium, ac Monasteriorum regimina promotis conceditur; ut Monasteria, & alia Beneficia Ecclesiastica secularia, & regularia per eos obtenta, & in quibus, & ad quæ eis competit, retinere possint.

De Clausulis in Beneficiis vacantibus ponendis.

56 Voluit, & ordinavit, quod quando providet, seu mandat provideri alicui de Beneficio Ecclesiastico vacante, tunc dari poterunt clausula si petatur, etiamsi illud quovis modo, &c. seu per constitutionem EXECRABILIS vacet, & specialiter reservatum inter aliquos litigiosum sit, & ejus collatio devoluta fuerit, & si pro colligante, vel subrogationem, aut si neutri, vel si nulli, &c. petente, si tunc lis specificè exprimat. Nec detur aliqua generalis reservatio dispositivè, nisi desuper in concessione specialis, & expressa, ac purè, & non sub conditione mentio fiat, & tunc reliquæ reservationes ibi contentæ veniant. Si verò tempore expeditionis inde litterarum generalis reservatio hujusmodi probari non possit, aut in novis provisionibus, seu pro colligantibus, si neutri, vel si nulli, &c. fit expressum, quod ab aliquibus asseritur, illum, cujus beneficium conceditur Collectorem, vel unicum Subcollectorem, Abbreviatorem, vel Familiarem, Notarium, aut dictæ Sedis Officialem fuisse clausula ponatur, etiamsi dictum Beneficium, ex eo quod talis Collector, vel unicus Subcollector, Abbreviator, vel Familiaris, Notarius, aut dictæ Sedis Officialis fuit dispositioni Apostolicæ generaliter reservatum existat, dummodo non sit in eo alicui specialiter jus quæsitum. In reliquis verò nulla clausula detur, undè reservatio generalis elici possit, nisi desuper signatura per duplex fiat, signata sit, aut reservatio, vel aliàs specialiter habeatur.

De expressione qualitatum Beneficiorum in impetrationibus.

57 Item voluit, quod super beneficiis Ecclesiasticis de qualitatis illorum vide licet. An Dignitates, personatus, vel officia sint, eisque imminet cura animarum, & ad illa consueverint, qui per electionem assumi, mentio fiat; aliàs gratiæ desuper factæ sint nullæ. Et si qualitates hujusmodi affirmativè, vel conditionaliter non ex-

pri.

primantur, negativa expressè desuper fiat in beneficiis, quæ tales qualitates, vel ex eis aliquas consueverit habere.

De Beneficiis vacantibus per contractum matrimonii.

58 Item, si reservetur beneficium per contractum matrimonii, non dentur alii modi vacationum de futuro, nec censeatur beneficium reservatum specialiter, vel affectum, nisi sequatur matrimonium; sed in beneficiis per promotionem, aut ingressum Religionis, vel associationem vacaturis ponatur clausula etiamsi non petatur. Cum beneficia hujusmodi præmisso, vel alias quovis modo, &c. Præterquam per obitum obtinentis vacare contingerit etiamsi vacent.

De Clausulis ponendis in litteris Religiosorum, &c.

59 Item voluit, quod si petatur, aliquem in Religionem recipi, & sibi de quovis beneficio Ecclesiastico provideri per simplicem signaturam fiat. Receptio hujusmodi dumtaxat detur abjecto si petens idoneus sit, aut aliud Canonicum non obsistat, & exprimat, si certus numerus Regularium sit ibidem, cui etiam non derogetur, nisi expressè concedatur, & si numerus iste non existat ponatur. Dummodo receptionis locus hujusmodi nimium propterea non gravetur. Possintque Executores provisionis hujusmodi ad receptionem emissionis professionis, non expectato probationis anno providere.

De translatione Religiosorum.

60 Item si Regularis petat, sibi de beneficio ab aliquo Monasterio, vel alio Regulari loco dependente provideri, & appareat ex petitione hujusmodi, quod alterius Monasterii, vel loci Religionis, licet tibi translatio non petatur, nihilominus illa veniat.

De Clausula, si est ita.

61 Item quod in litteris super beneficiis per Constitutionem Execrabilis vacantibus ponatur Clausula *Si est ita*. Similiter de quibuscumque narratis informationem facti requirentibus.

Petenti provideri de vacaturo dentur litteræ de vacanti.

62 Item petenti sibi provideri de vacaturo, etiam in vim con-

Revocatio Decimarum, & aliarum impositionum.

63 Item revocavit quascumque Decimarum, necnon subsidiorum vigessimæ, & aliorum onerum impositiones, quæ ex quavis causa, etiam in subsidium expeditionis contra Turcas, & Orthodoxæ Fidei hostes emanarunt, & quascumque facultates super decimarum vigessimæ, & onerum hujusmodi exactione, quibusvis fructuum, & proventuum Camera Apostolicæ debitorum Collectoribus, & Apostolicæ Sedis Nuntiis ab eisdem Prædecessoribus concessas. Suspendit quoque ad suæ sanctitatis, & Sedis Apostolicæ beneplacitum quascumque plenarias Indulgentias ab eisdem Prædecessoribus, ex quavis causa, etiam expeditionis hujusmodi concessas, si quæ per Nuncios, vel quætores deferebantur, necnon deputandi, & eligendi Confessores, qui plenariè absolvent, & alia faciant ad eandem Indulgentiarum suspensarum effectum, reliquasque facultates, ipsas Indulgentias, quomodolibet concernentes præterquam quoad ea, in quibus Indulgentiæ, & facultates in aliqua sui parte sint sortitæ effectum. Ita ut illis, qui implentes injuncta eis in litteris Indulgentiarum hujusmodi jam consequuti sunt facultatem eligendi Confessores, qui absolvat eos plenariè in mortis articulo, per hujusmodi suspensionem non præjudicetur, quia facultate ipsa uti possint in futurum: Decrevit quoque irritum, & inane quiddam facultatum revocatarum earundem prætextu in posterum contingerit attentari.

Revocatio facultatum percipiendi pretium Officiorum.

64 Item revocavit, cassavit, & annullavit, ac irritas declaravit quascumque facultates percipiendi pretium officiorum Romanæ Curie pro tempore vacantium in toto, vel in parte, & quavis concessionibus, & collationibus, aliasque dispositionibus per sel. rec. Urbanum VIII. Prædecessorum suum de dictis officiis, etiam ex die collationum, concessionum, & dispositionum earundem in antea vacaturis in favorem quarumcumque personarum, Ecclesiarum, Monasteriorum, Piorum Locorum, Collegiorum, seu eorum Mensurarum, etiam perpetuo, etiam in vim con-

tractus, & ex titulo oneroso, & sub alia quavis verborum forma, quam & præmissorum tenores pro expressis haberi voluit, concessas, & factas; quoad officia, quæ post obitum ipsius Prædecessoris vacarunt, & in posterum quomodolibet vacabunt.

Item revocavit quoque, cassavit, & annullavit, ac irritas declaravit quascumque infeudationes, investituras, gratias, concessionis quoquomodo, etiam in emphiteusim, ad tempus, seu in perpetuum, etiam motu proprio, & de plenitudine potestatis, ac cum quibusvis derogatoriis derogatoriis (extra tamen consistorium, & sine S. R. E. Cardinalium consilio, & consensu) à die Constitutionis *fel. rec. Pii Papæ V.* Prædecessoris sui super prohibitione alienandi, & infeudandi civitatis, & loca S. R. E. sub datum Romæ apud S. Petrum, anno Incarnationis Dominicæ millesimo quingentesimo sexagesimo sexto, quarto Kalend. Aprilis, Pontificatus sui anno secundo, usque in præsentem diem, per quoscumque Romanos Pontifices, suos Prædecessores, aut mandato, vel autoritate eorum, quomodocumque, ac qualitercumque, & quovis colore factas, & concessas de Civitatibus, Terris, Oppidis, Castris, Arcibus, & locis S. R. E. Et Sanctæ Sedis Apostolicæ, & tam mediâtè, quam immediâtè subiectis, tunc videlicet de tempore dictarum infeudationum, investiturarum, gratiarum, & concessionum nondum devolutis, necnon quascumque prorogationes, & excusiones quarumcumque infeudationum, investiturarum, gratiarum, & concessionum de dictis Civitatibus, Terris, Oppidis, Castris, Arcibus, & locis, tunc videlicet de tempore dictarum prorogationum, & extensionum, nondum finitarum, quibusvis personis cujuscumque gradus, status, & conditionis, & præminentia, etiamsi Imperiali, Regali, Ducali, aut alia quavis, præfulgeant dignitate, etiam in vim contractus, & ex quocumque titulo, etiam oneroso, & per quascumque, tam sub plumbo, quam in forma Brevis sub annulo Piscatoris, aut etiam aliis quomodocumque, & qualitercumque expeditas litteras, ac sub quavis verborum forma, quam, & promissorum omnium tenores sanctitas sua pro expresso haberi voluit, latissimè extendendos.

Quod fructus in tertia parte augeri possint vigore clausula.

65 Item cum nonnulli in impetratio-

nibus Beneficiorum Ecclesiasticorum pro tempore vacantium, & certò modo vacatorum asserendo illorum fructus, &c. Certum per eos expressum annum valorem non excedere, nonnumquam obtineant à sanctitate sua, ut hujusmodi valorem annum augere possint, ut verius possit in confectioe litterarum super hujusmodi impetrationibus summa, aut valor annuus exprimi, aliter desuper non specificato, ne de veritate hujusmodi concessionis imposterum hesitari contingat; declaravit, prætextu concessionis hujusmodi, valorem ipsum usque ad tertiam partem valoris expressi, & in prima, quæ desuper fiet litterarum expeditione duntaxat augeri posse, & eas, quas litteris jam expeditis cum expressione valoris specificati, aut non integro augmento predicto, denuo desuper expediti contigerit litteras cum aliquo augmento valoris hujusmodi nullius esse roboris, vel momenti, etiamsi motu proprio beneficiales gratiæ, & dispositiones quæcumque à sanctitate sua emanarint.

De insor descendentibus.

66 Item, ne personis, pro quibus litteræ suæ sanctitatis emanabunt, ob generalem absolutionem à Censuris Ecclesiasticis, quibus ligati forent ad eorum effectum indifferenter concedi, & in litteris Apostolicis apponi solita præstetur occasio censuras ipsas vilipendendi, & insordescendi in illis, statuit, & ordinavit hujusmodi absolutionem, & clausulam in litteris, quas in futurum cum illa concedi continger, non suffragari non parentibus rei judicæ, incendiariis, violatoribus Ecclesiarum, falsificatoribus, & falsificari procurantibus litteras, & supplicationes Apostolicas, & illis utentibus, receptoribus, & fautoribus eorum; ac res veritas ad infideles deferentibus, violatoribus Ecclesiasticæ libertatis via facti, ausu temerario, Apostolicis mandatis non obtemperantibus, & Nuncios, vel Executores Apostolicæ Sedis, & ejus officialium, ejus commissa exequentes impediuntibus, qui propter præmissa, vel aliquod eorum excommunicati à jure, vel ab homine per quatuor menses scienter excommunicationis sententiam hujusmodi sustinuerint, & generaliter quibuscumque aliis, qui censuris aliquibus, etiam aliis, quam ut præfertur, quomodolibet ligati, in illis per annum continuum insorduerint.

Off.

Officiales nihil exigant ultra debitum.

67 Item idem D. N. exactionibus, quas sanctitas sua non sine displicentia plerumque fieri intellexit per Officiales Romanæ Curia, qui constituti sibi emolumentis pro exercitio officiorum, quæ obtinent, non contenti, ultra à prosequentibus negotiorum quorundam expeditione in eadem exigere non verentur, obviare volens, districtè præcipiendo inhibuit omnibus, & singulis, quavis officia in eadem Curia obtinentibus, ne de cætero quidquam prætextu officiorum, quæ obtinent, quovis colore etiam celerioris expeditionis, ultra emolumenta hujusmodi exigere, seu ad hunc effectum expeditionem eorum, quæ eis incumbunt malitiosè differre sub excommunicationis, & præter illam suspensionis à perceptione emolumentorum hujusmodi, pro prima ad semestre, & pro secunda ad annum, & pro tertia vicibus, quibus sic excederent, privationis officiorum per eos obtentorum, in quibus sic excesserint penis: Ac voluit, quod Sanctæ Romanæ Ecclesiæ Vice-Cancellarius, & Camerarius excedentes ipsas respectivè, prout eis subsunt per substractionem emolumentorum eorumdem, ac alias; ut præfertur, compellant ab hujusmodi illicitis exactionibus abstinere, ac contra eos per prædictas pœnas, & alias prout melius expedire viderint, procedant.

Reservatio beneficiorum vacantium, Sede Apostolica vacante.

68 Item Sanctissimus D. N. providè considerans, consuevisse quandoque Romanos Pontifices Prædecessores suos beneficia, quæ vacante Sede Apostolica vacare contingerant, dispositioni suæ reservare, intendens de beneficiis hujusmodi tam Conclavistis, quam pauperibus Clericis, & aliis benemeritis personis providere omnia, & singula beneficia per regulas Cancellariæ Apostolicæ, aut quilibet alias Apostolicas Constitutiones temporales R. Pontificis pro tempore existentis dispositioni quomodolibet, & ex quavis causa reservari solita, quæ à die obitus *fel. record. Urbani VIII.* Prædecessoris sui usque ad diem supradictam XV. Septembris vacaverunt, & de quibus per quoscumque Ordinarios Collatores, nunc dispositum non fuerat, suæ dispositioni reservavit, decernens irritum, &c.

Revocatio indultorum superventientia.

69 Item, quia ad importunam nonnullorum suggestionem, quandoque contingit, Prædecessores suos Romanos Pontifices pro tempore existentes sub contractorum debitorum, vel diversis aliis prætextibus concessisse, & indulgisse beneficiatus, ut fructus suorum beneficiorum, aut partem eorum anticipatis solutionibus ad tempus elocare, vel erga creditores, aut quascumque alias personas obligare, vel hypothecare, insolutum dare, aut aliis quomodolibet de eis disponere liceret ad tempus minimè restrictum ad vitam supplicantium cum gravi successorum præjudicio, & Ecclesiarum detrimento. Ideò indemnitati Ecclesiarum, & successorum in beneficiis hujusmodi salubriter consulere volens revocavit, cassavit, & annullavit omnia, & singula indulta, & facultates in ea parte, quæ necdum verè, & realiè suum sortita sunt effectum per quoscumque Romanos Pontifices Prædecessores suos hæcenus ad favorem quarumcumque personarum concessas, quibus eis, vel eorum singulis ullo modo, & ex quavis causa, vel prætextu permittitur fructus certos, vel incertos, jura, obventiones, & emolumenta quæcumque quorundam beneficiorum per eos obtentorum anticipatis solutionibus ultra unicum annum elocare, arrendare, ad firmam, vel responsionem concedere, vel eos ad favorem quarumcumque personarum quomodolibet obligare, vel hypothecare, in solum dare, aut de eis quomodolibet, & ex quavis causa disponere pro tempore ad vitam beneficiatorum & tempus, quo beneficia hujusmodi obtinuerint minimè restricto, & coarctato illorum tenores, &c. Decernens irritum, &c.

Quod Cardinales non comprehendantur sub regulis faciendis.

70 Item, cum S. R. E. Cardinalis ipsi Sanctissimo Domino nostro assistant, ac propterea debeant specialibus prærogativis, & privilegiis gaudere, idem D. N. statuit, ordinavit, decrevit, & declaravit, quod in quibuscumque constitutionibus, & Regulis per sanctitatem suam in posterum post hanc primam editionem, & suarum Constitutionum, & Regularum publicationem faciendis non includantur ipsi Cardinales, nisi illæ eorumdem Car-

di-

dinalium favorem concernant, vel ipsæ Constitutiones, edendæ de eorundem Cardinalium, vel majoris partis eorum Consilio editæ fuerint.

De potestate Reverendiss. D. Vice-Cancellarii, & Cancellariam Regentis.

71 Primò, quod possit committere absolutionem illorum, qui ignorantèr in supplicationibus, vel in litteris Apostolicis aliquid scriberent, corrigerent, vel delerent.

Item, quod possit corrigere nomina, & cognomina personarum, non tamen eorum, quibus gratia, & concessionis fiunt, ac beneficiorum, dum tamen de corpore constet.

Item, quod possit omnes causas Beneficiales, etiam non devolutas committere in Curia cum potestate citandi ad partes.

Item, quod processus Apostolica autoritate decretos aggravare possit cum in vocatione brachii Secularis, & sententias executionis demandari facere contra intrusos, & intrudendos per litteras Apostolicas desuper sciendæ, & non aliàs.

Item, quod possit signare supplicationes manibus duorum Referendariorum signatas de beneficiis Ecclesiasticis Sæcularibus, & Regularibus dispositioni Apostolica generalitèr non reservatis, quorum cujuslibet valor centum florenorum auri de Camera, vel totidem librarum Turenens. parvorum, seu totidem in alia moneta secundùm communem æstimationem valorem annuum non excedet.

Item, quod possit signare supplicationes, etiam duorum Referendariorum manibus signatas de novis provisionibus si neutri, & subrogationibus pro colligantibus, in quibus non detur clausula generalem reservationem importans.

Item, quod possit ad Ordines suscipiendos arctatis, prorogare terminos de didis suscipiendis ordinibus usque ad proxima, tunc à jure statuta tempora, in quibus sic arctati successivè ad ipsos Ordines promoveantur.

Plaet, publicentur, & describantur. I.

Lata, & publicata fuerunt supra scriptæ Regulæ, Ordinationes, & Constitutiones in Cancellaria Apostolica ab uno ex RR. PP. DD. Majoris Præsidentie Abbreviatoribus, Anno Incarnationis Dominicæ millesimo sexcentesimo quadragesimo quarto, die verò sexta mensis Octo-

bris, Pontificatus prælati Sanctissimi D. nostri Anno primo.

Petrus Gentilis Procustos.

83 Præterea, quando Rom. Pontifex confert beneficia, debet solvi Sedi Apostolicæ certum jus, quod media annata dicitur, & est dimidia pars fructuum primi anni, quamvis olim integri proventus anni solverentur, & Annata dicebatur, quod quidem jus licitè petitur, & solvitur: quia hoc fit partim ad sustentationem Papæ, & Cardinalium, partim in recognitionem universalis domini, quo Ecclesia Romana gaudet super omnes Orbis Ecclesias. Et hac ratione talis juris petitio, & solutio est à Simonia labe immunis. Hæc quidem annata non solvitur, si beneficium non excedat 24. ducatos auri de Camera, & idèd non solvitur de pluribus beneficiis Hispaniæ, aliorumque Regnorum, quia non taxantur ultra 24. ducatos. In variis Hispaniæ locis solvitur media annata, scilicet in Ecclesiis Conchensi, Abulensi, Seguntina, & aliis. In Diocesi Toletana media annata solvitur Capitulo Complutensi, & Ecclesiæ Tolitanæ Rationaritis, ut habet Torrecilla. Deindè ex beneficiis unitis alicui communitati, vel loco pio solvitur: *Quindenna*, seu *Quindennium*: id est, singulis quindecim annis solvitur media pars fructuum talium beneficiorum: quia cum non vacent; loco annatæ solvitur quindenna, ac proindè, qui non tenentur ad annatam, nec ad quindennam tenentur. De Annatis agitur in *Extr. fin. de Eleÿ. Joan. XXII. & integro Tit. de Annatis in lib. 7. Decretal. Lact. lib. 4. ex n. 674.* Ad Sædis Apostolicæ exemplum nostri Reges in officiorum Sæcularium distributione exigebant olim certum jus, quod Hispanè dicitur: *Mesada*. Et est pars reddituum, quæ uni mensi respondet, & æstimatio fiebat, prout communitèr tale officium in quinquennio antecedenti prodixerat. Hoc tamen jus nunc solum existitur (ex Conces. Urban. VIII.) quando nostri Reges presentant ad beneficia Ecclesiastica, Dignitates, Præbendas, Portiones, vel beneficia curata. L. 1. tit. 17. lib. 1. R. Ind. ibi: *Aviendo suplicado à nuestro muy Santo Padre Urbano Ochoavo, que tuviesse por bien de conceder Breve, para que se pudiesen cobrar para nos, por las causas, y razones en el contenidas, los derechos de mesadas de todas las Dignidades, Canongias, Raciones, y medias Raciones, Ofi-*

cios, y Beneficios Ecclesiasticos, Curatos, y Doctrinas, que huvieren vacado, y vacaren en nuestras Indias Occidentales siempre que Nos presentaremos de nuevo personas para ellas, ò nuestros Virreyes, y Governadores, en execucion de las Leyes de nuestro Patronazgo Real, su Santidad lo tuvo assi por bien, y mandò expedir en la dicha razon Breve, con calidad, que la cobranza no se haga hasta que sean pasados quatro meses despues de aver tomado la possession de la Dignidad, ò Prebenda, Oficio, Beneficio, Curato, ò Doctrina, la persona que fuere presentada à ella, y que el valor del mes se regule conforme à lo que huvieren valido, y rentado sus frutos, y rentas en los cinco años antecedentes al tiempo en que se tomare, ò hubiere tomado la possession: : entrando en este computo, no solo el valor de las rentas, diezmos, y gruesa de la Dignidad, ò Prebenda, Oficio, ò Beneficio, Curato, ò Doctrina en cada uno de ellos, sino tambien de lo que huvieren valido las obviaciones, y otros proventos, y emolumentos en el mismo tiempo, haciendo para esto todas las diligencias, y averiguaciones necessarias; y lo que en los dichos cinco años montare lo junte, y repartan por iguales partes en cada uno de los meses que contienen los cinco años, de forma, que quede claro, liquido, y averiguado lo que cupiere à cada mes, y cobren lo que montare de la persona que se presentare. Insuper in officiorum Sæcularium concessione exigunt nostri Reges mediam annatam, ut habetur in L. 4. tit. 19. lib. 8. R. Ind. ibi: *Que la media annata se pague de todas las Mercedes, titulos, Oficios, y Rentas, que se dieren por Nos, ò por nuestros Consejos, Virreyes, Capitanes Generales, y otros Ministros de qualesquier Mercedes, y Oficios, que no fueren Ecclesiasticos, siempre que para ello sea necesario Cedula, ò Despacho nuestro, ò de nuestros Ministros: assi en las primeras provisiones, como en los ascensos de unas Plazas à otras, en la misma especie de monedas, en que se pagare el util de ellas, regulandose este derecho por la mitad de lo que el primer año importa el verdadero valor de los sueldos, gages, casas, propinas, luminarias, y demas emolumentos, que se gozaren con cada oficio, aunque se den por asistencia, y trabajo personal: y de la paga de este derecho no se pueda eximir, ni exima ninguna persona de qualquier estado, calidad, ò condicion que sea. Que la satisfaccion de lo que importar la media annata sea en dos pagas iguales. por mitad: la primera luego de conrado, antes de entregarse de la Parte el titulo, ò despacho del Oficio, Rentas, ò Merced: y la segunda den-*

tro de un año, assegurandolo con fianzas à satisfaccion del Tesorero General de la media annata, si le huviere, ò de nuestros Oficiales Reales en las Indias, en cuyo poder ha de entrar. Milites, qui actu militanti ab hoc onere eximuntur, & alii in casibus in prædicta Lege comprehensis, & prout Judex hujus causæ, attentis circumstantiis, decernat. In his Insulis est designatus unus ex Senatoribus Regiis, ut de his causis cognoscat. Aliæ instructiones in d. L. 4. apponuntur: de quibus latiori calamo tractant. *Escalona, Gazofilac. Regio Peruv. lib. 2. p. 2. cap. 35. & 36. Solorz. Polit. Indica, lib. 6. cap. 13. in fin. Et Supplem. Moreri, V. Annate.*

TIT. VIII.

De Concessione Præbendæ, & Ecclesiæ non vacantis.

84 UT alicui beneficium conferri possit, vacans esse, necessarium est. Si tamen ab alio, quam à Papa beneficium non vacans conferatur, irrita est ipso jure illius collatio. c. 10. c. 40. 7. q. 1. c. 2. h. t. c. 4. de Donation. etiam si ab executeore Pontificis conferatur, nec Episcopus, nec alius inferior Pontifice, potest delegare facultatem confendi proximè vacatura beneficia. c. 11. h. t. nam solum Pontifex potest beneficium conferre, antequam vacet. L. 5. tit. 5. p. 1. L. 11. tit. 16. p. 1. ibi: *Otorgar puede el Papa, è non otro ninguno los Beneficios ante que vacuen.* Tunc enim vacare beneficium dicitur, quando proprietario, vel possessore caret. L. 10. tit. 16. p. 1. arg. l. 5. §. fin. ff. ad leg. Juliam, de vi publ. L. 22. §. 1. ff. de Usu, & habit. Et quidem potest vacare. 1. de Jure, & factò. 2. solum de Jure. 3. tantum de factò. De jure, & factò beneficium vacat, quando apud nullum est titulus, & possessio illius. V. g. si Beneficiarius est mortuus, vel resignavit, vel beneficio privatus est. De jure tantum vacat beneficium, quando jus, & titulum beneficii quis ammissit, possessione retenta. V. g. si quis privetur titulo, & jure beneficii, vel ipso jure, vel per sententiam Judicis. Arg. l. 10. tit. 16. p. 1. De factò tantum vacat beneficium, quando Beneficiarius retinet jus, & proprietatem beneficii, illius tantum professione amissa. V. g. si quis est à beneficio depulsus, vel si Beneficiarius diù abest, & ubi